

GRAD SARAJEVO
GRADSKO VIJEĆE
Odbor za dodjelu Šestoaprijske nagrade
HAMDIJE KREŠEVLJAKOVIĆA 3
71000 SARAJEVO

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO: 24 JAN 2024			
Org. jed.	Broj	Prilog	Vrijednost
01	GV-04	103	23

Sarajevo, 24.01.2024.

Prijedlog kandidata grupe građanki i građana za Šestoaprijsku nagradu (kolektivna nagrada) za 2024. godinu u kategoriji „Zdravstva i socijalne skrbi“: UDRUŽENJE GRAĐANA „RENASANSA“ (Udruženje žena oboljelih i liječenih od karcinoma dojke „Renasansa“)

Poštovane dame i gospodo,

referišući se na Vaš Javni poziv, dostavljamo Vam prijedlog grupe građana za kolektivnu Šestoaprijsku nagradu u oblasti zdravstva i socijalne zaštite.

U prilogu dostavljamo listu potpisa sa više od 200 građana i građanki, kao i ostalu potrebnu dokumentaciju.

S poštovanjem,

Neformalna grupa građana koju predstavljaju:

Dijana Prljic (061 224 842, dijana.prljic@gmail.com)

Edin Volk Dervišefendić (dedinvolk6@gmail.com)

GRAD SARAJEVO
GRADSKO VIJEĆE
HAMDIJE KREŠEVLJAKOVIĆA 3
71 000 SARAJEVO

**Prijedlog neformalne grupe građanki i građana
za Šestoaprilsku nagradu (kolektivna nagrada) za 2024. godinu
u kategoriji zdravstva i socijalne skrbi:**

UDRUŽENJE GRAĐANA „RENEŠANSA“

Udruženje žena oboljelih i liječenih od karcinoma dojke „Renesansa“

Udruženja građana „Renesansa“

Dolina 1

Telefon:

+387(0)62 108-444

+387(0)62 683-791

E-mail: udruzenjerenesansa@gmail.com; eny.glusac@gmail.com; renesans@bih.net.ba;

Ovlaštena osoba: Enida Glušac

OBRAZLOŽENJE

Udruženje žena oboljelih i liječenih od karcinoma dojke „RENEŠANSA“ je osnovano 1999. godine. Registrovano je kao udruženje na nivou Federacije Bosne i Hercegovine. Sjedište Udruženja je u Sarajevu. Udruženje trenutno ima 200 aktivnih članica, od kojih je većina sa teritorije Grada Sarajeva / Kantona Sarajevo. Sve aktivnosti Udruženja odvijaju se na teritoriji Grada Sarajeva. Od osnivanja do danas članstvom i aktivnostima Udruženja „Renesansa“ bilo je obuhvaćeno više od 6.000 žena oboljelih od karcinoma dojke.

Osnovna djelatnost. Udruženja je podrška i pomoć ženama liječenim i oboljelim od karcinoma dojke. Ta podrška obuhvata niz raznovrsnih i kontinuiranih aktivnosti vezanih za onkološke i prateće bolesti: edukativne mjere (predavanja, info-večeri, radionice), praktične mjere podrške (nabavka i podjela proteza, perika, suplemenata, dodataka ishrani), psihološka podrška (organizacija psiholoških radionica i individualnog psihološkog savjetovanja); preventivne mjere (organizacija preventivnih pregleda, genetskih testova, podizanje svijesti o značaju prevencije i redovnih pregleda); zagovaranje i lobiranje u korist onkoloških pacijenata generalno (borba za ukidanje listi čekanja za citostatike i ostale onkološke lijekove, tj. vođenje kampanja za podizanje svijesti u vladajućim strukturama kako bi lijekovi za onkološke pacijente bili nabavljani na vrijeme, odnosno kako bi onkološki pacijenti mogli pravovremeno dobiti neophodne lijekove od kojih im ovisi život). I konačno, ovo udruženje svojim radom u javnosti senzibilizira društvo ne samo za probleme oboljelih žena, nego prije svega za značaj

preventive i preventivnih pregleda. Poseban značaj ima mreža članica koje pomažu jedna drugoj u raznim situacijama, a na raspolaganju su i za sve ostale oboljele od onkoloških bolesti, ako im je njihova pomoć potrebna.

U 2023. godini „Renesansa“ je održala cijeli niz različitih manifestacija.

Navest ćemo nekoliko aktivnosti „Renesanse“ iz kojih je vidljivo šta ovo udruženje čini za žene članice, kao i za cijelo društvo.

Ovo udruženje svojim radom u javnosti senzibilizira društvo ne samo za probleme oboljelih žena nego prije svega za značaj preventive i preventivnih pregleda. Na taj način ono obavlja posao od izuzetnog značaja za bosanskohercegovačko društvo u cjelini, a posebno za društvo na teritoriji Grada Sarajeva. Udruženje „Renesansa“ kontinuirano je prisutno u javnosti i iskristaliziralo se kao pogodan sugovornik za brojne medije koje zanima problematika ne samo karcinoma dojke, nego generalno onkoloških bolesti. S obzirom da je malo aktera u društvu koje obavljaju ovu vrstu posla u javnosti, djelatnost „Renesanse“ je od velikog značaja za cijelu BiH.

Naime, preventivnim pregledima moguće je rak otkriti u ranoj fazi. Tumor veličine do 1 cm izlječiv je u 98% slučajeva. Tumori otkriveni u ranoj fazi ne samo da su izlječivi i manje invazivni za oboljelu ženu nego su i manji teret za društvo i zdravstveni sistem. Zbog toga i jeste od vitalnog značaja raditi na podizanju svijesti o značaju preventivnih pregleda kod žena.

S obzirom da je karcinom dojke jedan od najčešćih karcinoma kod žena, značaj djelatnosti Udruženja „Renesansa“ je još veći: „Incidencija (broj novootkrivenih slučajeva) oboljevanja u zadnje tri godine (2018- 2020) je konstantna, i to 540 novooboljelih žena i stopom od 48,5/100 000 (2020.), te indexom strukture od 23%, od svih novootkrivenih slučajeva karcinoma pomenute godine. Zastupljenost novootkrivenih CA dojke prethodnih godina bila 21% (2019.) i 23% (2018.). U ukupnoj zastupljenosti oboljelih osoba sa malignitetom dojke (prevalenci), na nivou primarne zdravstvene zaštite, vidimo skok 2021., nakon vremena pandemijske zatvorenosti zdravstvenih ustanova (2019-2021).“ Izvor: <https://www.zzjzfbih.ba/medunarodni-dan-borbe-protiv-raka-dojke/>:

S obzirom na gore navedeno, gotovo je nemoguće dovoljno podcrtati koliko je značajna djelatnost na podizanju svijesti o značaju prevencije u Bosni i Hercegovini. Broj oboljelih žena raste iz dana u dan i naredne godine se očekuje da će biti 30% pacijenata više nego danas. Udruženje „Renesansa“ je jedno od rijetkih udruženja koje na teritoriji Grada Sarajeva redovno provodi učinkovite mjere za podizanje svijesti o prevenciji i ranom otkrivanju raka dojke.

NEKE OD AKTIVNOSTI UDRUŽENJA „RENASANS“:

Dani ružičaste vrpce 06.-17.10.2023./Međunarodni dan borbe protiv karcinoma dojke (19.10.2024.):

Od 06. do 17.10.2023. Udruženje „Renesansa“ je organizovalo veliki broj aktivnosti koje su bile otvorene ne samo za članice, nego i za sve zainteresovane građanke Grada Sarajeva.

Manifestacija je otvorena uličnom promotivnom akcijom i defileom bajkera 07.10.2023. kroz grad, u kojem su učestvovalе žene koje boluju ili su prebolovale karcinom dojke. Obučene u ružičasto, prodefilovale su kroz grad ukazujući ne samo na svjesnost o raku dojke, nego i na 313 oboljelih žena koje su se tada nalazile na listama čekanje za onkološku terapiju. Nakon defilea, izveden je performans u formi žive ružičaste vrpce koju su na trgu ispred SCC-a načinile članice Renesanse. Istovremeno je postavljena instalacija sa 313 grudnjaka koji su na istom tom trgu ukazivale na spomenutih 313 žena sa metastatskim karcinomom dojke koje su čekale na terapiju.

Ostale aktivnosti u okviru Dana ružičaste vrpce i generalno:

18.03.2023: ulična akcija Dani narcisa ispred sarajevske Katedrale za svjesnost o karcinomu dojke

10.10.2023. predavanje dr. Une Delić, specijaliste radiologa iz Centra za dojku o prevenciji i ranom otkrivanju karcinoma

13.10.2023. predavanje dr. Jasmina Šutkovića o genetskim predispozicijama za karcinom. Tom prilikom izvršeno je besplatno testiranje svih članica Udruženja i po jedne članice njihovih bližih porodica na genetske mutacije BRCA1 i BRCA 2, koje ukazuju na predispoziciju za karcinom. I na ovaj način se detektuju rizične grupe i povećava šansa za rano otkrivanje karcinoma.

Ovom prilikom prezentirani su rezultati genetskog testiranja koje je obavljeno krajem 2022. godine za sve zainteresovane članice i njihove prve srodnice. Cilj je bio utvrditi genetsku predispoziciju za karcinom tj. da li je članice i njihove srodnice imaju, kako bi na odgovarajući način preventivno djelovale. Ova vrsta djelatnosti je u BiH rijetkost, a može doprinijeti boljoj prevenciji, ranom otkrivanju bolesti i može znatno rasteretiti zdravstveni sistem.

14. i 15.10.2023. Dan otvorenih vrata Udruženja „Renesansa“ i projekcija filma „Život poslije“ koji je o ženama oboljelim od karcinoma dojke snimljen u saradnji sa BHT-om.

17.10.2023. predavanje dr. Berise Hasanbegović, specijaliste onkologa, o povezanosti onkoloških oboljenja i autoimunih bolesti.

18.10.2023. predavanje dr. Timura Cerića, specijaliste onkologa

02.12.2023. predavanje dr. Sabine Sarić, specijalista fizikalne i rehabilitacijske medicine, o limfedemu. Limfedem je čest pratilac žena nakon operacije karcinoma dojke, a dr. Sarić je jedina u BiH doktorirala na ovoj temi.

05.12.2023. predavanje dr. Timura Cerića, onkologa

Udruženje „Renesansa“ organizovalo je još cijeli niz aktivnosti, predavanja onkologa, predavanja o limfedemu koji je česta posljedica operacije dojke, prezentacije niza kompanija koje nude proizvode i usluge za oboljele i liječene žene (Amoena, Novartis, Orthomol, Faveda).

Jedan od najbitnijih razloga zbog kojih predlažemo Udruženje „Renesansa“ za Šestoaprilsku nagradu jeste kampanja u javnosti i u vladajućim strukturama koja je vođena da se ukinu liste čekanja na lijekove za onkološke pacijente. Budući da Vlada FBiH godinama nije uplaćivala sredstva u Fond solidarnosti, iz kojeg se finansiraju ovakvi lijekovi, Udruženje „Renesansa“ sa predsjednicom Enidom Glušac na čelu je zajedno sa nekoliko sličnih udruženja mjesecima vodilo kampanju zagovaranja kako bi se iznašla sredstva za Fond solidarnosti. Kampanja je vođena u javnosti (tv-emisije, novinski članci, intervjui i sl.), te u vladajućim strukturama u razgovorima sa predstavnicima zakonodavne i izvršne vlasti na nivou Federacije i Kantona.

Time je povećana vidljivost ovog Udruženja, prisutnost oboljelih od karcinoma kao i svijest o karcinomu. Nadalje, kampanja je rezultirala povećanim senzibilitetom vladajućih struktura prema ovom problemu. Rezultat kampanje je činjenica da će u 2024. godini u Fond solidarnosti biti uplaćena određena sredstva – doduše ne sva, ali sama činjenica da je Fond ponovo aktiviran, budi nadu za više od 1.000 pacijenata na listama čekanja i za 313 žena oboljelih od karcinoma dojke na istim tim listama. Kampanja je dovela do toga da će Vlada FBiH uplatiti dio sredstava, a ostatak bi trebalo da namire kantoni. Kampanja je nastavljena, s obzirom da problem treba dugoročno riješiti. Ovaj uspjeh ide na konto Udruženja „Renesanse“ sa Enidom Glušac na čelu.

Nadalje, vrlo je bitna činjenica da Renesansa posjeduje vrlo funkcionalnu mrežu članica koje se međusobno pomažu na svaki zamisliv način. Žene članice dijele sve: od lijekova do pomoćnih sredstava i podržavaju jedna drugu u nabavci svega što oboljeloj ženi treba u toku liječenja. Nadalje, članice su jedna drugoj psihološka podrška i motivacija. Udruženje njeguje atmosferu kooperacije, povjerenja i podrške. Članice su na raspolaganju ne samo jedna drugoj, nego i ostalim onkološkim pacijentima.

I na kraju, „Renesansa“ organizuje i izlete i putovanja za svoje članice, a neka od njih su organizovana uz podršku Grada Sarajeva, što spominjemo sa velikom zahvalnošću.

Iz svih navedenih razloga predlažemo Udruženje „Renesansa“ za kolektivnu Šestoaprilsku nagradu u kategoriji „Zdravstvo i socijalna i skrb“ i nadamo se da će ovaj prijedlog biti prihvaćen od strane Grada Sarajeva.

S poštovanjem

Neformalna grupa građana koju predstavljaju:

Dijana Prlić (061 224 842, dijana.prljic@gmail.com)

Edin Volk Dervišefendić (dedinvolk6@gmail.com)

BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo finansija - financija
Porezna uprava Federacije BiH
Kantonalni porezni ured SARAJEVO

Na osnovu člana 16. Zakona o Poreznoj upravi Federacije Bosne i Hercegovine
("Službene novine Federacije BiH", br: 33/02, 28/04, 57/09, 40/10), Porezna uprava Federacije BiH izdaje

UVJERENJE O POREZNOJ REGISTRACIJI

UDRUŽENJE "RENEŠANSA"

Sa sjedištem: SARAJEVO CENTAR

Adresom: DOLINA 1

I identifikacionim brojem:

4200186580005

Registrovan je u Poreznoj upravi Federacije BiH
Kantonalni porezni ured SARAJEVO

Po ovlaštenju rukovodioca Kantonalnog ureda

Datum: 03.06.2014.

Hafa Kovač, dipl. ecc.



Broj: 04-05-2-1332/99
Sarajevo, 06.01.2022. godine

Federalno ministarstvo pravde, rješavajući po zahtjevu Udruženja „Renesansa“ za upis promjena u Registar udruženja, na osnovu člana 33. stav 2. Zakona o udruženjima i fondacijama („Službene novine Federacije BiH“, broj: 45/02) i člana 200. Zakona o upravnom postupku („Službene novine FBiH“, broj: 2/98 i 48/99), donosi

RJEŠENJE

Upisuje se u Registar udruženja kod Federalnog ministarstva pravde Sarajevo, sa danom **06.01.2022.** godine, promjena upisa za udruženje **Udruženje „Renesansa“**, skraćeni naziv udruženja: „Renesansa“ sa sjedištem u **Sarajevu**, ulica **Dolina broj 1**, upisano u Registar udruženja kod ovog ministarstva pod registarskim brojem **275**. knjiga I Registra, dana **26.05.1999.** godine, i to:

1. **Promjena članova Upravnog odbora**, u skladu sa Odlukom Skupštine, broj: 1-07/21 od 16.11.2021. godine na mandatni period od četiri godine,
2. **Promjena predsjednice Udruženja** na način da se umjesto **Tikveša Nađe** upisuje **Enida Glušac** u svojstvu predsjednice Udruženja na mandatni period od četiri godine,
3. **Branka Baban** upisuje se u svojstvu potpredsjednice Udruženja na mandatni period od četiri godine,
4. **Promjena osoba ovlaštenih za predstavljanje i zastupanje udruženja** na način da se umjesto **Tikveša Nađe** upisuje **Enida Glušac**, predsjednica Udruženja, te **Branka Baban**, potpredsjednica Udruženja kao osobe ovlaštene za predstavljanje i zastupanje udruženja na mandatni period od četiri godine.

Udruženje je dužno ciljeve i djelatnosti predviđene Statutom, obavljati u skladu sa Zakonom o udruženjima i fondacijama i drugim zakonima i pozitivnopravnim propisima.

Ostali upisi u Registru izvršeni po Rješenju broj: 04-05-2-1332/99 od 26.05.1999., 05.03.2002., 06.11.2003., 04.02.2014., 03.12.2018., 06.07.2020. i 14.05.2021. godine ostaju nepromijenjeni.

Naknadu za upis u Registar u iznosu od 200,00 KM, udruženje je dužno uplatiti na Jedinstveni račun Trezora Federacije Bosne i Hercegovine.

OBRAZLOŽENJE

Udruženje „Renesansa“ podnijelo je ovom ministarstvu zahtjev za upis promjena, i to: promjena članova Upravnog odbora, promjena predsjednice udruženja, promjena-produženje mandata potpredsjednice udruženja, kao i osoba ovlaštenih za predstavljanje i zastupanje udruženja radi upisa u Registar udruženja.

Uz zahtjev je priložena sljedeća dokumentacija:

- Prijava promjene djelatnosti, statuta i članova upravnog tijela (Obrazac broj 7),
- Odluka o razrješenju ranijih i imenovanju novih članova Upravnog odbora,
- Popis članova upravnog tijela – Obrazac broj 5 – Upravni odbor,
- Odluka o dopuni imenovanja članova Upravnog odbora,
- Odluka o razrješenju ranije predsjednice udruženja i imenovanju nove predsjednice Udruženja,
- Odluka o razrješenju ranijeg lica ovlaštenog za zastupanje i imenovanju novih lica ovlaštenih za zastupanje i predstavljanje udruženja,
- Zapisnik sa vanredne Skupštine udruženja, održane dana, 16.11.2021. godine sa potpisima prisutnih delegata,
- Punomoć za advokata.

Uvidom u priloženu dokumentaciju utvrđeno je da su navedene promjene u svemu izvršene u skladu sa članom 33. stav 2. Zakona o udruženjima i fondacijama i član 7. i 8. Pravilnika o načinu vođenja registra udruženja i fondacija i međunarodnih nevladinih organizacija („Službene novine Federacije BiH“, broj: 61/02, 8/08 i 78/10), pa je slijedom navedenog riješeno kao u dispozitivu rješenja.

Naknada za upis u Registar utvrđena je po rješenju federalnog ministra pravde broj: 01-341-750/14 od 18.02.2014. godine, na osnovu člana 54. stav 1. Zakona o udruženjima i fondacijama.

POUKA O PRAVNOM LIJEKU:

Ovo rješenje je konačno u upravnom postupku, te protiv njega nije dopuštena žalba, ali se može pokrenuti upravni spor. Upravni spor se pokreće tužbom kod nadležnog suda u roku od 30 dana od dana prijema ovog rješenja. Tužba se podnosi u dva istovjetna primjerka, a uz istu se prilaže i ovo rješenje u originalu ili prijepisu.

Dostaviti:

1. Udruženje,
2. Zbirka isprava,
3. Poreska uprava,
4. Arhiva,
5. Federalno ministarstvo rada i socijalne politike Sarajevo
AO

MINISTAR

Matijević





UDRUŽENJE "RENEANSNA"
SARAJEVO - Ul. Dolina br.1
Tel. 062/108-444
E-mail: uduzenjerenesansa@gmail.com
ProCredit bank - Ž.R. 1940014720700116
<http://renesansa.com.ba>

IZJAVA

Šestoaprilska nagrada predstavlja najveće i najljepše priznanje o nečijim postignućima, tako da nam je izuzetna čast da nas neko želi predložiti za ovu nagradu

Udruženje "Renesansa" je u potpunosti saglasno sa prijedlogom za sestoaprilsku nagradu

Srdačan pozdrav,

Predsjednica Udruženja

Enida Glušac



PRIJEDLOG GRUPE GRAĐANA ZA ŠESTOAPRILSKU NAGRADU GRADA SARAJEVA 2024.

Dolje potpisana grupa građanki i građana
za Šestoaprilsku nagradu 2024. u oblasti zdravstva i socijalne zaštite
predlaže

UDRUŽENJE ŽENA OBOJELIH I LIJEČENIH OD KARCINOMA DOJKE „RENEANSNA“

Spisak građana sa potpisom i brojem
lične karte arhiviran je u Stručnoj
službi sa poslove Gradskog vijeća

“Oslobođenje”, 10.10.2022.

Udruženje Renesansa daje nadu hiljadama žena: Pomoć i topla riječ za heroine koje se bore protiv karcinoma

Sarajevo10/10/2022 u 18:27 h

Uz podršku, bolest se lakše podnosi

Eldina Zolj-Balenović

U toku Ružičastog oktobra Renesansa organizuje edukacije, predavanja stručnjaka o karcinomu i načinima liječenja

Udruženje Renesansa je nada za hiljade žena. Nada u bolje i lakše sutra, nada da će doći ljepši i bolji dani, nada da nikada neće biti same i da će uz podršku vrijednih, pametnih, ambicioznih, hrabrih žena pobijediti svaku prepreku koja se nađe ispred njih tokom dugogodišnje borbe protiv karcinoma. Udruženje Renesansa postoji već 23 godine i prvo je i najveće udruženje tog tipa u BiH. Do sada je podršku, pomoć, toplu riječ, zlata vrijedan savjet dobilo više od 6.000 žena, a broj članica svakodnevno raste.

Liste čekanja

- Pored podrške i savjeta koje pružamo oboljelima, brinemo se i za sistemska rješenja. Predlažemo i iniciramo rješenja, tako smo, između ostalog, pomogli da se pametni lijek herceptin stavi na esencijalnu listu lijekova i da oboljeli svakih godinu i po dana dobijaju ortopedska pomagala. Trenutno nam je gorući problem centar za limfedem koji ne postoji na nivou FBiH, a neophodan je u liječenju, kao i lijek za metastaski hormonalno ovisni karcinom za koji se formiraju duge liste čekanja. Sve naše članice u Udruženju pronalaze pomoć, savjete, podršku i prije svega razumijevanje, tako da to smatraju drugim domom. Rak je bolest koja se, nažalost, ne bira, dešava se cijele godine i mi cijele godine radimo na podizanju svijesti javnosti, ali u oktobru, mjesecu borbe protiv karcinoma, pokušavamo biti vidljiviji, izaći u naše lokalne zajednice, potencirati najvažniju stvar, a to je rano otkrivanje karcinoma. Defilujemo gradom i dijelimo ružičaste vrpce i brošure o samopregledu, kazala nam je Enida Glušac, predsjednica Renesanse, koja se i sama godinama bori protiv ove opake bolesti.



Udruženje se nalazi na Marijin-Dvoru

U toku Ružičastog oktobra Renesansa organizuje edukacije, predavanja stručnjaka o karcinomu i načinima liječenja. Pored psihološke podrške koju finansira organizacija Think Pink zajedno smo jedno, Renesansa organizuje i mnogo kreativnih i zabavnih druženja i radionica kao što su pilates, meditacija, zvučna kupka, književne večeri, kao i okupaciona terapija. Pronađe se vrijeme i za neobavezno druženje, izlet, šetnju. Atmosfera ovog udruženja je nešto posebno, a članice se tu osjećaju kao u najsigurnijem mjestu na svijetu, zaštićene od sažaljivih pogleda, nesuvislih komentara, očaja i straha.

Do sada je podršku, pomoć, toplu riječ, zlata vrijedan savjet dobilo više od 6.000 žena, a broj članica svakodnevno raste

Ispočetka

Stalni osmijeh na licu žena koje biju najteže bitke dovoljno govori o kvalitetu rada Renesanse.

- Udruženje je od velikog značaja za pacijentice jer tu dobiju razumijevanje umjesto sažaljenja i ponovno uče sretno živjeti čak kvalitetnije nego prije karcinoma. Jedne drugima smo podrška, snaga, primjer da se može pobijediti ova opaka bolest i opet biti nasmijan, sretan i zadovoljan. Učimo živjeti život ispočetka, dodala je Glušac. Sve žene oboljele od karcinoma mogu postati članice Renesanse, dolaskom u prostorije Udruženja koje se nalazi na Marijin-Dvoru.

Radio Sarajevo, 07.10.2023.

U Sarajevu obilježen Međunarodni dan borbe protiv raka dojke

07.10.23. 13:31





Foto: Dž. K. / Radiosarajevo.ba / Međunarodni dan borbe protiv raka dojke

Otvaranjem Dana ružičaste vrpce u Sarajevu je danas, 7. oktobra, počelo obilježavanje mjeseca borbe protiv karcinoma dojke.

Dani ružičaste vrpce počeli su svečanim defileom bajkera kroz grad s kojima su se provozale žene oboljele od karcinoma. Na Marijin-Dvoru, ispred SCC-a žene sa dijagnosticiranim karcinomom dojke su **izvele performans "Živa, ružičasta vrpca"**, kao i performans posvećen 313 žena oboljelih od raka dojke koje se nalaze na listama čekanja za terapiju u Federaciji Bosne i Hercegovine.

Međunarodni dan borbe protiv raka dojke s ciljem podizanja svijesti i promovisanja pravovremene i učinkovite kontrole, dijagnoze i liječenja žena širom svijeta obilježava se 19. oktobra. **Ovoj globalnoj akciji priključilo se i Udruženje Renesansa**, koje okuplja nekoliko stotina oboljelih žena iz Sarajeva, ali i drugih bh. gradova.

Enida Glušac, predsjednica Udruženja osoba oboljelih i liječenih od tumora dojke Renesansa, podsjetila je da već 24 godine svakog oktobra obilježavaju mjesec borbe protiv karcinoma dojke kako bi skrenuli pažnju javnosti na opakost bolesti koja sve više uzima maha.

"S obzirom na to da je enorman broj žena koje se nalaze na listama čekanja za terapiju, zahtijevamo od Vlade da konačno usvoji naše zahtjeve i da odvoji iz svog rebalansa budžeta novac za ovu tešku kategoriju, to jest za 1.771 pacijenta raznih vrsta bolesti koje su na listama čekanja. **Svakim danom broj oboljelih raste**, a naredne godine se očekuje da će biti 30 posto više pacijenata nego trenutno", rekla je Glušac.

U nedjelju, 8. oktobra, će se također na Marijin-Dvoru realizovati **ulična akcija podizanja svijesti o karcinomu dojke**.

Udruženje će u saradnji sa stručnjacima sljedeće sedmice održati niz predavanja te Dane otvorenih vrata.



Foto: Dž. K. / Radiosarajevo.ba: Međunarodni dan borbe protiv raka dojke

FENA, 26.03.2023.



FOTO: Fena

Dan narcisa: Podrška ženama oboljelim od karcinoma dojke

26.03.2022. / 12:31

Simboličnom prodajom narcisa u sarajevskoj ulici Ferhadija, Udruženje Renesansa danas je obilježio Dan narcisa kao vid podrške ženama oboljelim od karcinoma dojke.

Predsjednica tog udruženja Enida Glušac kazala je da prodajom narcisa na ovaj dan žele podići svijest o karcinomu dojke te skinuti stigmatu sa žena koje boluju od te opake bolesti. Glušac je istakla da bolest ne smije biti tabu tema, jer se može desiti bilo kome.

Poručila je ženama da idu na redovne preglede dojke, jer ako se rak otkrije na vrijeme, veća je mogućnost izlječenja.

Naglasila je da u BiH nema jedinstven registar oboljelih od karcinoma dojke, te da ne postoji tačan broj oboljelih.

Autor: Fena

FTV, 26.10.2023.

Udruženja koja okupljaju pacijente korisnike usluga Fonda solidarnosti FBiH - Ukinuti liste čekanja

Objavljeno: 26.10.2023. 14:33

Predstavnici Udruženja oboljelih od melanoma FBiH, Udruženja oboljelih od raka prostate FBiH, Udruženja osoba oboljelih od karcinoma dojke i drugih malignih bolesti "Renesansa" i Udruženja osoba oboljelih od reumatoidnog artritisa i ostalih reumatskih bolesti "Snaga" u BiH, na press konferenciji održanoj danas u Sarajevu ukazali su na što hitnije osiguravanje sredstava za Fond solidarnosti.

Udruženja koja okupljaju pacijente korisnike usluga Fonda solidarnosti FBiH ne odustaju - traže da se odmah obezbijede sredstva kojim će se ukinuti liste čekanja za najteže oboljele u FBiH.

Udruženje osoba oboljelih od karcinoma dojke i drugih malignih bolesti "Renesansa", Udruženje oboljelih od melanoma FBiH, Udruženje osoba oboljelih od reumatoidnog artritisa i ostalih reumatskih bolesti "Snaga" u BiH i Udruženje oboljelih od raka prostate FBiH su još jednom istakli da je potrebno što hitnije obezbijediti zakonski predviđena sredstva za Fond solidarnosti FBiH kako bi se ukinule liste čekanja za najteže oboljele pacijente u FBiH.

Naime, Vlada Federacije Bosne i Hercegovine je rebalansom Budžeta FBiH za 2023. godinu izdvojila dodatnih 10 miliona KM za Fond solidarnosti te je donijela zaključak kojim poziva kantonalne vlade i kantonalne zavode zdravstvenog osiguranja, koji su iskazali suficit, da se pridruže naporima Vlade FBiH u rješavanju problema liječenja najteže oboljelih pacijenata u FBiH i osiguraju dio sredstava potrebnih za njihovo liječenje do kraja godine.

- Upravo u skladu sa tim pozivamo kantonalni nivo vlasti da ispoštuju zaključak Vlade Federacije BiH i odmah započnu realizaciju tog zaključka. Naime, zahvaljujući tome što smo bili uporni i istrajni u svojim namjerama i što nismo odustajali, osvijestili smo problem funkcioniranja Fonda solidarnosti i listi čekanja. Tražili smo od Vlade Federacije Bosne i Hercegovine da obezbijedi 70 miliona KM jer je toliko novca potrebno da se obezbijede terapija i zdravstvene usluge za 1.700 pacijenata u Federaciji Bosne i Hercegovine koji se zaključno sa 30. septembrom nalaze na listama čekanja. U pitanju su pacijenti oboljeli od najtežih malignih oboljenja, multiple skleroze i drugih teških oboljenja. Izborili smo se za 10 miliona KM, a ostalih 60 miliona bi trebalo da obezbijede kantoni - istakli su predstavnici udruženja koja okupljaju pacijente korisnike usluga Fonda solidarnosti FBiH.

Dodatno je istaknuto da vlast u Federaciji Bosne i Hercegovine, kako zakonodavna, tako i izvršna i sudska, moraju provoditi zakon budući da je upravo kršenje zakona rezultiralo listama čekanja za najteže oboljele pacijente, imajući u vidu da Vlada FBiH u prethodnih 21 godinu koliko postoji Fond solidarnosti FBiH nijednom nije izdvojila zakonski previđen iznos sredstava za njegov rad. To znači da zbog nedostatka novca u Fondu solidarnosti FBiH, najteže

oboljeli pacijenti nemaju mogućnost liječenja - nisu im dostupne terapije, lijekovi kao ni specifične medicinske usluge.

- Mi oboljeli se nećemo pomiriti sa ovom činjenicom. Ovaj problem traje već 21 godinu međutim u ovoj godini je eskalirao. Za oboljele je svaki minut, svaki sat i svaki dan od životnog značaja, a već su izgubili dragocjeno vrijeme na listama čekanja čekajući početak liječenja. Situacija je krajnje dramatična i zbog toga zahtijevamo da se ovaj problem sistemski riješi. Nema mjesta čekanju i odlaganju rješenja za oboljele i cijeli postupak zahtijeva hitnost - rekli su predstavnici udruženja koja okupljaju pacijente korisnike usluga Fonda solidarnosti FBiH.

Na kraju, Udruženje osoba oboljelih od karcinoma dojke i drugih malignih bolesti "Renesansa", Udruženje oboljelih od melanoma FBiH, Udruženje osoba oboljelih od reumatoidnog artritisa i ostalih reumatskih bolesti "Snaga" u BiH i Udruženje oboljelih od raka prostate FBiH su naveli da njihov pravni tim priprema krivične prijave protiv svih odgovornih u proteklih 21 godinu, saopćeno je iz Udruženja oboljelih od melanoma FBiH.

federalna.ba/Fena

“Oslobođenje”, 25.10.2023.

Poslanici se sutra izjašnjavaju o rebalansu budžeta: Vlada FBiH sa 10 miliona KM pomaže Fondu solidarnosti

25/10/2023 u 18:00 h

Poslanici se sutra izjašnjavaju o rebalansu budžeta FBiH

Amela Lončarić

Predstavnički dom Parlamenta Federacije BiH sutra će razmatrati rebalans budžeta za ovu godinu kojim je za Fond solidarnosti FBiH osigurano 10 miliona KM

Vanredna sjednica Predstavničkog doma Parlamenta FBiH zakazana je za sutra. Poslanici će razmatrati rebalans budžeta FBiH za ovu godinu u iznosu od 6.937.563.355 KM, koji je prethodno usvojila federalna Vlada i uputila na usvajanje po hitnom postupku.

Sistemska rješenja

Rebalansom je za Fond solidarnosti osigurano 10 miliona KM, uz zaključak da kantoni, odnosno zavodi zdravstvenog osiguranja koji imaju suficit preuzmu liječenje pacijenata sa svoje teritorije do kraja godine, kako bi se riješile liste čekanja na kojim se nalazi više od 1.700 pacijenata, a da će Vlada FBiH početkom 2024. izaći sa sistemskim rješenjem za finansiranje Fonda. Predstavnici udruženja koja okupljaju teško oboljele pacijente jučer su imali sastanak sa Vlatkom Martinović, direktoricom Zavoda zdravstvenog osiguranja i reosiguranja FBiH. Kako je za Oslobođenje izjavila Enida Glušac, predsjednica Udruženja Renesansa, zadovoljni su odgovorima koje su dobili.

- Nas je interesovalo za narednu godinu koliko je novca potrebno i rečeno nam je da je to 165 miliona KM. Nažalost, nema evidencije koliko je pacijenata umrlo dok su bili na listama čekanja ili direktno zbog toga što nisu dobili adekvatnu terapiju pošto nemamo registar oboljelih. Predstavnici Fonda će imati sastanak sa federalnim premijerom da se vidi kako će se realizirati zaključak Vlade o tome da se preostalih 60 miliona KM finansira iz kantonalnih budžeta. Kantonalni zavodi zdravstvenog osiguranja su u suficitu i treba naći način kako i u kojim procentima će se novac prebaciti iz kantonalnih u federalni Zavod, kaže Glušac.

Dalibor Đerić, projekt-koordinator Centra civilnih inicijativa, kaže za naš list da je izdvajanjem 10 miliona za Fond solidarnosti Vlada napravila prvi korak u rješavanju ovog problema koji je aktuelan 20 godina.

Gašenje požara

- Vidjeli ste da Vlada poziva kantonalne vlade da preuzmu dio odgovornosti i u tom smislu može se govoriti o kratkoročnoj pomoći da se ugasi požar. Fond je federalna institucija u okviru Zavoda zdravstvenog osiguranja FBiH, kojim na indirektan način upravlja Vlada koja

treba da iznađe modalitet kako da Fond ima na raspolaganju sredstva koja su potrebna da bi svi građani u FBiH mogli da prime zdravstvenu uslugu. Treba imati u vidu da postoji veliki disparitet između finansijskih mogućnosti pojedinih kantona. Nisu iste mogućnosti, recimo, KS-a i BPK-a. Pozivanje da oni preuzmu liječenje svojih pacijenata na neki način ne opravdavam, jer se postavlja pitanje opravdanosti postojanja Fonda, naglasio je.



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Broj: 01-04-1103/24
Sarajevo, 25.01.2024. godine

Bosna i Hercegovina - Federacija Bosna i Hercegov.
Kanton Sarajevo - GRAD SARAJEVO
GRADSKO VIJEĆE

PRIMLJENO: 25 JAN 2024			
Org. jed.	Broj	Prilog	Vrijednost
01-GV-04-	139/24		

GRADSKO VIJEĆE GRADA SARAJEVA
Odbor za dodjelu „Šestoaprilske nagrade Grada Sarajeva“

Predmet: Prijedlog kandidata za dodjelu „Šestoaprilske nagrade Grada Sarajeva“
u 2024. godini

Postupajući u skladu sa članom 12. stav (5), članom 4. stav (1) tačka a) alineja 2) i članom 6. stav (1) tačka b) Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 41/22 i 49/22), podnosim

PRIJEDLOG

za dodjelu „Šestoaprilske nagrade Grada Sarajeva“ u 2024. godini (kolektivna) **UDRUŽENJU „RENASANSA“**, za oblast propisanu članom 2. stav (1) Odluke o uslovima i načinu dodjele „Šestoaprilske nagrade Grada Sarajeva“ – oblast zdravstva i socijalne zaštite, a sve u vezi sa ostvarenim značajnim ostvarenjima i značajnim rezultatima rada u drugim oblastima rada i stvaralaštva, bez obzira na godinu ostvarenja, a koji doprinose ukupnom unaprjeđenju, promociji i razvoju grada Sarajeva, kao glavnog Grada Bosne i Hercegovine i Federacije Bosne i Hercegovine.

O b r a z l o ž e n j e

Udruženje "Renesansa" Sarajevo osnovano je 8. maja 1999. godine, kao nestranačka, nevladina i neprofitna organizacija žena oboljelih i liječenih od tumora dojke, a pod motom : **"Bolesni pomažu bolesnim - naučimo živjeti s bolešću - život me ponovo zove"**.

Aktivnosti udruženja ogledaju se i u razbijanju tabua i predrasuda o bolesti i podizanju svijest o ranoj detekciji, jer ona omogućava veći procenat izliječenja. Kroz Udruženje prošao je veliki broj oboljelih. Neki su se zadržali do danas, neki nakon izliječenja su se povukli, a nažalost jedan broj je izgubio bitku sa bolešću.

Misija Udruženja je pružanje podrške i pomoći oboljelim i liječenim od tumora dojke te zalaganje za sistemski rješenja problema pacijentica liječenih od karcinoma dojke. Edukacija pacijentica i njihovih porodica, kao i šire javnosti o bolestima tumora dojke, koji su problem oboljelih na putu liječenja i kako živjeti s bolešću.

Udruženje "Renesansa" je prvo i najveće udruženje koje okuplja ovu grupu pacijenata, i koje je pomoglo osnivanje ovakvih udruženja širom Bosne i Hercegovine.

Kroz svoj rad dokazalo je da je neophodna karika kao prva pomoć novooperisanim i novooboljelim, gdje će biti upoznati sa svim što ih očekuje u toku liječenja, da vide da bolest nije smrtna presuda, već da ima i onih koji žive i više od 30 godina nakon liječenja, da saznaju tuđa iskustva i da iz toga nauče kako se boriti i dalje kvalitetno živjeti sa bolešću.

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



II – Aktivnosti udruženja

II.1 - Psihološka pomoć – Svojim članicama pružaju psihološku pomoć kroz individualne i grupne terapije, kao i individualne terapije članovima njihovih porodica ako je to potrebno. Kroz udruženje psihološku pomoć dobilo je oko 5000 pacijentica. U cilju poboljšanja psihološkog zdravlja udruženje organizuje vođene meditacije i jogu smijeha koje oslobađaju od stresa jednom mjesečno, kao i različite alternativne metode oslobađanja od stresa (aromaterapija, metoda tapkanja).

II. 2 - Predavanja različitih specijalizacija - predavanja stručnjaka iz oblasti onkologije, radiologije, fizijatrije, genetike, nutricionizma. Desetak godina (do pandemije) organizovana su i predavanja onkologa po srednjim školama o značaju samopregleda i rane detekcije karcinoma dojke. U ovom periodu ova predavanja je slušalo više hiljada srednjoškolaca, a predavanja stručnjaka u udruženju slušalo je oko 3000 pacijentica.

II. 3 - Meditativni ples jednom mjesečno kojem mogu prisustvovati sve zainteresirane članice

II. 4 - Književne večeri

II. 5 Druženje sa poznatim ličnostima.

II. 6 - Ulična akcija Dan Narcisa, koji simbolizira novi početak života. Svake godine na početku proljeća udruženje provodi uličnu akciju Dana Narcisa (kao simbol buđenja života) u kojoj apeluju na redovne samopreglede i preglede. Djele se narcisi, a građani simboličnom donacijom podržavaju rad Udruženja. Kroz sve ove godine udruženje je podržalo više od 20 000 građana.

II. 7 - Vođenje grupe zatvorenog tipa na facebooku Žene sa C50 koja ima oko 3000 članica iz cijele Bosne i Hercegovine, kao i regiona (Hrvatska, Makedonija, Crna Gora, Srbija) gdje pacijentice razmjenjuju iskustva o problemima koji se javljaju u toku terapija, a i kasnije.

II. 8 - Učešće u utrci „Race for the cure“ koje organizuje Think pink i koja se održava svake godine u oktobru .jesecu.

II. 9 - Obilježavanje Dana ružičaste vrpce - kroz razne aktivnosti podižu svijest o važnosti samopregleda i prevencije karcinoma dojke i traje cijeli mjesec Oktobar

II. 10 – Nabavka i podjela proteza, perika, suplemenata i dodataka prehrani.

II. 11 – Organizovanje izleta, druženja, odlasci u pozorište.

III – Zasluge Udruženja „Renesansa“

Zalaganjem udruženja promjenjena je nehumana zakonska uredba o ortopedskim pomagalicama za sve operisane pacijentice (do tada su pacijentice jednom u životu imale pravo na funkcionalnu protezu i jedan specijalni grudnjak, a sada svakih 18 mjeseci funkcionalna proteza i 2 specijalna grudnjaka). Članice udruženja su se više puta borile (uličnim akcijama prikupljanja potpisa za peticije) za uvrštavanje inovativnih lijekova i ukidanje listi čekanja. Upravo zahvaljujući tome pacijentice oboljele od C 50 danas imaju bolju mogućnost liječenja, jer su im dostupni najnoviji lijekovi. Iza udruženja je skoro dvadeset i pet godina aktivnosti, u svim segmentima ove oblasti.

U Danima otvorenih vrata, u saradnji sa onkolozima, svim građanima, ne samo članicama udruženja omogućavaju edukaciju i informacije u vezi sa različitim tumorima. Live streamom predavanja se prenose za širu publiku tako da se obuhvati na hiljade gledatelja

Udruženje je pružilo svoju pomoć u pokretanju trke za ozdravljenje Race for the cure u BiH i stvaranje mreže Udruženja u BiH te osnovalo facebook grupu „Žene sa C 50“.

Kroz svoj rad omogućava razbijanje tabua i stigmi prema bolesnim od tumora. Svoj rad nisu prekidali ni u vrijeme pandemije, tada su se prilagodili novonastaloj situaciji pa kroz grupe na društvenim mrežama pružali podršku novooperisanim pacijenticama kao i svojim dugogodišnjim članicama, organizovali Zoom radionice grupnih terapija, kao i individualnih. Također su organizovali druženja u prirodi jer svima nama nedostaju ti kontakti u živo, naravno poštujući epidemiološke mjere jer je riječ o ranjivoj kategoriji.

Udruženje „Renesansa“ svojim radom i zalaganjem želi da edukuje sugrađane o značaju očuvanja zdravlja i ranom otkrivanju tumora dojke, o značaju samopregleda i ne ignorisanja prvih znakova bolesti jer rana detekcija karcinoma znači veći stepen izliječenja i puno lakše i jednostavnije liječenje oboljelih. Uspjeli su da razbiju tabu o ovoj bolesti, da oboljeli i liječeni od tumora dojke treba da imaju mogućnost da svojim radom steknu ekonomsku samostalnost, mogućnost da iskažu svoje potencijale i da postoji mogućnost pružanja pomoći oboljelima i liječenima primjerena njihovim zahtjevima kako ne bi izgubili vjeru u ozdravljenje i budući život.

Kao najznačajniju aktivnost može se smatrati uvrštavanje inovativnog lijeka Herceptina na esencijalnu listu i ukidanja listi čekanja. To je postignuto uličnom akcijom skupljanjem potpisa za peticiju.

Također, u saradnji sa CCI a gdje su se kasnije priključila i druga udruženja aktivno učestvuje u obezbjeđivanju sredstava za ukidanje listi čekanja u Fondu solidarnosti. Aktivno se zalaže za prava pacijenta na dostojanstveno liječenje i u suradnji sa zakonodavnom i izvršnom vlasti za iznalazjenje sistemskih rjesenja za sto kvalitetniji život pacijenata kako trenutno tako i za buduće generacije i evt oboljele

Uz Udruženje Renesansa stoji armija hrabrih žena kojima je udruženje pomoglo u najtežim trenucima da žive što kvalitetnijim životom i ponovo postanu produktivni članovi društva i zajednice

Kroz sve ove godine imaju odličnu saradnju sa medijima diljem BiH tako da su aktivnosti ovog Udruženja dokumentovane i prikazane široj javnosti.

Imajući u vidu rezultate koje je Udruženje „Renesansa“ - udruženje žena oboljelih i liječenih od karcinoma dojke postiglo u svom dvadesetpetogodišnjem radu kako za pacijentice, njihove porodice, Grad Sarajevo, a tako i za širu društvenu zajednicu u pogledu zdravstvene socijalne zaštite i društveno korisne aktivnosti potpuno je opravdano da se **UDRUŽENJU „RENEANSNA“** dodijeli „Šestoaprilska nagrada Grada Sarajeva“ u 2024. godini (kolektivna nagrada) u kategoriji zdravstva i socijalne zaštite, odnosno na način kako je u ovom Prijedlogu i navedeno.

Posebno navodim, a shodno uslovima objavljenog Javnog poziva o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2024. godini usklađenim sa odredbama Odluke o uslovima i načinu dodjele „Šestoaprilske nagrade Grada Sarajeva“, da se u konkretnom slučaju radi o Udruženju sa sjedištem u Sarajevu (ulica Dolina 1), ali i da njihov rad i djelovanje predstavljaju značajan doprinos ukupnom unaprjeđenju, promociji i razvoju kako grada Sarajeva, kao glavnog grada Bosne i Hercegovine i Federacije4 Bosne i Hercegovine.

S poštovanjem,

GRADONAČELNICA
Prof. dr. Benjamina Karić

Prilog:

- Izvještaj o radu Udruženja „Renesansa“ za 2023. godinu
- Aktivnosti Udruženja „Renesansa“ Sarajevo u oktobru 2023...godine
- Rješenje o upisu u Registar udruženja, broj: 04-05-2-1332/99 od 06.01.2022. godine

Dostaviti:

- naslovu
- evidencija

**IZVJEŠTAJ O RADU
UDRUŽENJA "RENEŠANSA" SARAJEVO
ZA 2023. GODINU**

SARAJEVO, DECEMBAR 2023. GODINE

I – UVOD

Izveštaj o radu Udruženja "Renesansa" Sarajevo za period 01.01.2023.godine do 31.12.2023.godine temelji se na Programu rada udruženja za 2023. godinu.

Program rada udruženja za 2023. godinu određen je kroz ciljeve za koje je isto osnovano i to:

- Psihička potpora osobama liječenim od tumora, kroz jedan humani prilaz;
- Pomoć u prevazilaženju straha od daljih pregleda i liječenja;
- Preporuke za jačanje imuniteta organizma;
- Pomoć za poboljšanje kvalitete života;
- Zalaganje u ostvarivanju materijalnih i drugih zakonskih prava oboljelih od tumora;
- Aktivnosti na poboljšanju statusa i tretmana oboljelih od tumora;
- Rad na preventivi kroz upoznavanje odgovarajuće zdrave populacije sa mogućim oboljenjima, te mogućnosti samopregleda i ranog otkrivanja bolesti;
- Rad na drugim pitanjima vezanim za aspekt oboljenja o liječenja oboljelih od tumora, imajući u vidu da se ljudski problemi i patnje lakše podnose i savladavaju zajedno – međusobnim druženjem, pomaganjem, radom i saradnjom.

II – REALIZOVANE AKTIVNOSTI U 2023. GODINI

1. Psihološka podrška ženama oboljelim od karcinoma dojke

U toku 2023. godine, održane su, na mjesečnom nivou, psihološke radionice za žene oboljele od karcinoma dojke. Kroz ovaj program koji je finansiran od strane organizacije Think Pink zajedno smo jedno, kroz dvije grupe žena i to jedan dan za žene koje se već duže vrijeme bore sa ovom bolešću a jedan dan sa ženama koje su tek započele svoju borbu.

Kroz rad sa ovim ženama vidljivo je poboljšanje njihovog psihofizičkog stanja i pratimo njihov napredak od početka radionice pa do kraja.



2. Organizacija obilježavanja "Dana narcisa"

Dana 18.03.2023. godine Udruženje "Renesansa" obilježilo je Dana narcisa, slaveći dolazak proljeća, slaveći život, podižući svijest o borbi protiv karcinoma dojke, motivišući žene za preglede i rano otkrivanje bolesti.



3. Izlet

Za članice udruženja svake godine se organizuje izlet. Ovoga puta to je bilo u "Dolina Mira" koja je ugostila stotinjak žena Udruženja Renesansa. Toliko snage, mladosti, ljepote, zrelosti, sposobnosti i samopouzdanja rijetko se sretno na jednom mjestu.



Pod pokroviteljstvom naše drage gradonačelnice Benjamine Karić i njenog kabineta dana 04.11.2023. godine organizovan je cjelodnevni izlet za članice udruženja Renesansa u Mostar.



Pred polazak na izlet članice udruženja su na poklon dobile kišobrane od firme Farmavita

4. Okupaciona terapija

U toku 2023. godine u udruženju su održavane okupacione terapije kao što su izrada nakita, zatim ružičastih trakica, slikanje.

Također za one članice koje nisu zainteresirane za kreativno izražavanje postoji mogućnost za bojanje bojanki za odrasle.



Emocionalni detoks vol. 2

Drage naše dame,
pozivamo vas da prisustvujete kreativnoj i opuštajućoj radionici u sklopu projekta "Emocionalni detoks vol. 2", koja ima za cilj da vam oboji dan veselim bojama i pruži zasluženi odmor. U četvrtak, 31. augusta, u prostorijama Udruženja "Renesansa", družiti ćemo se sa akademskom slikaricom Indinom Kaliman, te zajedno uživati oslikavajući silkerska platna. Pored ovoga na rasplaganju će vam biti i opuštajuće sesije antistres metododom "Magic words".

Program počinje u 17.00 h.

Molimo Vas da svoj dolazak potvrdite najkasnije do: 26.08.2023. godine
predsjednici udruženja Enidi Glušac.

Učešće u programu pokriva organizator SANCHILD Fondacija.

Ovaj projekat je dio HARMONY Ripple programa.



SANCHILD
Creating Mind for Change



Emocionalna detoksikacija“ radionica slikanja koju je za vodila akademska slikarica Indira Kaliman.


5. Ružičasti oktobar

Oktobar je mjesec u toku kojeg se širom svijeta promovise borba protiv karcinoma dojke kako bi se skrenula pažnja na rasprostranjenost ove bolesti, na podizanje svijesti o značaju prevencije i ranog otkrivanja raka dojke, kao i o palijativnom zbrinjavanju osoba oboljelih od ove bolesti.

Udruženje “Renesansa” učestvovalo je i ove godine u manifestaciji “Race for the cure” koju svake godine organizuje “Think pink – Zajedno smo jedno”.



Pored učešća u navedenoj manifestaciji Udruženje “Renesansa” je ružičasti oktobar obilježilo prigodnim aktivnostima kojima se skreće pažnja javnosti na rasprostranjenost bolesti koja je vodeća u svijetu, te upozorava na važnost redovnih pregleda i ranog otkrivanja.



Početak dana ružičaste vrpce obilježen je defileom motorista kroz grad dana 07.10.2023. godine.

Nakon toga naše članice su ispred Sarajevo City Centra dana 07. i 08. oktobra podijelile ružičaste vrpce našim sugrađanima i brošure o važnosti preventivnih pregleda sa uputama o samopregledima.



Dana 10.10.2023. predavanje održala dr. Una Delić u oblasti radiologije



Profesor Jasmin Šutković bio je gost Udruženja 13.10.2023. godine tema BRCA testiranje



Dr. Berisa Hasanbegović, 17.10.2023. godine



18.10.2023. godine predavanje prof. dr. Timura Cerića

Pored naprijed navedenih predavanja prezentaciju svojih proizvoda održale se firme Amoena BiH, Anita, Pharma Macc, a održani su i dani otvorenih vrata Udruženja kada je prikazan i film “Život poslije”

6. Pozorišne predstave

Članice udruženja “Renesansa” i ove godine su imale priliku da uživaju u pozorišnim predstavama zahvaljujući Narodnom pozorištu Sarajevo, SARTR-u.



7. Tjelovježba, pilates, meditacija, ples

Imajući u vidu značaj tjelesne aktivnosti na zdravlje članice udruženja su mogle da, po svom izboru prisustvuju pilatesu, tjelovježba, meditacija i plesu. Također u saradnji sa Think pink naše članice su imale časove tjelovježbe u njihovim prostorijama.



8. Predavanja na temu zdravlja i prevencije bolesti



Doktorica Sabina Sarić održala je dana 02.12.2023. godine predavanje o limfedemu koji se javlja kao nus pojava operacije raka dojke. Predavanje održano pod pokroviteljstvom Lohmann&Rauscher



Predavanje doktora Timura Cerića održano je dana 05.12.2023. godine pod pokroviteljstvom Bosnalijeka i Viatrisa.

III - OSTALE AKTIVNOSTI

U prostorijama Udruženja organizovana su druženja za članice Udruženja, na kojima mogu iznijeti svoje probleme, popričati sa ostalim članicama i sa njim podijeliti svoja iskustva.



Također, mimo tih druženja nastojaćemo da pronađemo vremena za izlete, zajedničke šetnje, učešće u raznim manifestacijama koje se događaju u našem gradu.



Ušivak: članice iz Udruženje "Renesansa" posjetile su 08. marta 2023. godine gdje su zajedno sa migranticama proslavile Međunarodni dan žena i pogledale modnu reviju.

Na poziv predsjednice organizacije Think pink Nele Hasić dvadesetak naših članica obišlo je njihove nove prostorije na adresi Trg fra Grge Martića broj 4 gdje je upriličeno prigodno druženje i pokloni za prisutne članice.



Sve godine truda rada i zalaganja uništene su u jednom danu aprila mjeseca 2023. godine kada je prostorije našeg Udruženja zadesila poplava koja je uništila sav inventar, dokumentaciju, ortopedska pomagala.



Kao i svaki put kada smo se obratili za pomoć tako i ovoga puta nakon strašne poplave koja nas je zadesila Grad Sarajevo i gradonačelnica Benjamina Karić rođ. Londrc izašli su nam u susret i pomogli u obnovi prostora da bismo nesmetano mogli nastaviti sa radom i kao i do sada pomagati žene oboljele od raka dojke.



Dana 18.05.2023. godine u prostorijama Galerije "Collegium Artisticum" sarajevo otvorena je humanitarna prodajna izložba slika koje su godinama Udruženju Renesansa poklanjali naši eminentni slikari.



18.5. - 14.6.
2023.

HUMANITARNA PRODAJNA IZLOŽBA

Izložbu možete pogledati od ponedjeljka do petka u terminu od 10.00 do 18.00 sati u Galeriji "Collegium artisticum" Sarajevo

Sve informacije o prodaji dostupne putem e-maila: udruzenjerenesansa@gmail.com i telefona: 062/108-444

2023. godina biće upamćena kao godina borbe kako za Udruženje Renesansa tako i za ostala udruženja koja su uzela aktivno učešće u borbi za lijekove i novac koji Vlada Federacije BiH duguje Fondu solidarnosti što za posljedicu ima formirane duge liste čekanja najtežih bolesnika.

Održani su brojni sastanci sa predstavnicima Federacije BiH i kantona, Fondom solidarnosti, upriličene mnoge press konferencije, gostovanje u raznim emisijama koje su imale za temu nedostatak sredstava u Fondu solidarnosti i dug Fedracije BiH koji se godinama samo povećavao.

Nastojali smo u proteklim mjesecima iznaći sistemsko rješenje ovog problema a u konačnici rezultat za za sada je uvrštavanje Fonda solidarnosti u rebalans Budžeta Federacije BiH za 2023. godinu sa osam miliona KM.

Sa predstavnicima kantonalne vlasti pokušali smo a u nekima i uspjeli obezbijediti dodatna sredstva za liječenje teško oboljelih osoba.



Dana 24.07.2023. godine održano je mirno okupljanje više udruženja s ciljem uvrštavanja Fonda solidarnosti u rebalans Budžeta Federacije BiH.

Samo mali dio slika sa mnogobrojnih sastanaka koje smo održali





OBOLJELI OD RAKA Neizvjesna borba pacijenata u Bosni i Hercegovini

12.000 KM mjesečno da spase život

Onkološki pacijenti umiru čekajući na zračenje, klinike nemaju adekvatnu opremu za liječenje, imaju problem s nedostatkom lijekova i listama čekanja • Vlada FBiH Fondu solidarnosti do sada dužna više od milijardu KM

Dok je zive informacije stižu iz Tuzle, gdje onkološki pacijenti umiru čekajući na zračenje u Univerzitetском kliničkom centru (UKC), u kojem nemaju adekvatnu opremu za liječenje, ustanovili smo da je slična situacija i u drugim bh. gradovima. Teko oboljeli pacijenti su na listama čekanja, nema novca

za potrebne lijekove te su zbog svega navedenog pri-nudeni sami boriti za ozdravljenje i život.

Ostanu dužni

Prema riječima predsjednice Udruženja oboljelih od karcinoma dojke „Renesansa“ Enide Glušac, teško oboljeli pacijenti imaju problem s nedostatkom lijekova i listama čekanja.

Trenutno se u FBiH na listi čekanja nalazi 1.771 pacijent, od toga su 1.023 pacijenta za lijekove. Ov-

dje se ne radi samo o onkološkim nego o raznim pacijentima koji su oboljeli od nekih teških bolesti i kojima su potrebni ovi skupi lijekovi. Ostanak pacijenata s liste čekanja jesu pacijenti koji čekaju na određene medicinske usluge - kazala je Glušac.

Vlada FBiH je, kaže, Fondu solidarnosti do sada dužna više od milijardu KM. Također, osim onih 33 i po miliona koje je Vlada dala redovnom uplatom u ovoj godini, posljednjim rebalansom budžeta uplatila je još dodatnih 10 miliona, a donijeli su zaključak da 60 miliona uplate kantonalnim zavodima zdravstvenog osi-



GLUŠAC: *Stalno rješenje*



Nema novca za najteže bolesnike

Kupovina pametnog lijeka

Prema riječima jedne onkološke pacijentice koja se liječi u Univerzitetском kliničkom centru Sarajevo (KCUS), predloženo joj je da, uz hemoterapiju, kupi i pametni lijek. Pacijentica navodi da se taj lijek, koji ubrzava

proces ozdravljenja, kupuje na dobrovoljnoj osnovi, a cijena mu se kreće od 930 do više od 3.000 KM. Postavlja se pitanje šta je s onim oboljelima koji nemaju novca da izdvoje za pametni lijek. Kako njima pomoći?

guranja. Po zakonu, Vlada treba uplatiti jednaku količinu novca koliko se dobije iz redovnih doprinosa. Za ovu godinu je trebala uplatiti 200 miliona KM.

Članovi Udruženja oboljelih od karcinoma dojke „Renesansa“, Udruženja reumatoidnog artritisa i Udruženja oboljelih od malignog melanoma krenuli su po kantonima da pregovaraju s njima. Želimo da vidimo da li su oni voljni da izradu ususret Federalnom fondu solidarnosti i da uplate određene sume novca jer bi se na taj način pronašlo rješenje za ovu tešku godinu, a već za narednu mi

tražimo od Vlade FBiH da pronade sistemsko rješenje kako bi se ukinule sve liste čekanja - navela je Glušac.

Lista smrti

Kako ističe, udruženja se zalažu za to da se osigura priliv sredstva i da se pacijenti ne liječe više prikupljanjem novca putem SMS poruka.

Samo za metastatski karcinom jednom pacijentu mjesečno je potrebno od 6.500 do 12.000 KM, a neki pacijenti čekaju po 14 mjeseci da bi počeli primati terapiju. Mi tu listu čekanja nazivamo listom smrti i zalažemo se za to da se ona ukinu - navela je Glušac.

Z. KARIĆ



Prisustvovali smo i dana 03.12.2023. godine Umrežavanju udruženja osoba sa invaliditetom




Naše članice na 8. regionalnom skupu o melanomu, mnogo dobre i pozitivne energije, nova iskustva i razmjena ideja

Burna i turbulentna je bila 2023. godina za Udruženje "Renesansa", ali mi svoju borbu nastavljamo i dalje, a rezultate te borbe nadamo se da ćemo uskoro vidjeti.

PREDSJEDNICA UDRUŽENJA

Enida Glušac

**AKTIVNOSTI
UDRUŽENJA "RENEŠANSA" SARAJEVO
U OKTOBRU 2023. GODINE**



SARAJEVO, OKTOBAR 2023. GODINE

Kao i svake godine do sada Udruženje “Renesansa” je raznim aktivnostima obilježilo mjesec oktobar – mjesec borbe protiv karcinoma dojke.



Početak mjeseca obilježila je manifestacija “Race for the cure” koju svake godine organizuje “Think pink – Zajedno smo jedno”. Članice Udruženja Renesansa su i ove godine dale svoj doprinos učestvujući u ovoj manifestaciji.



Okupljanje članica Udruženja “Renesansa” ispred crkve na Marijin dvoru



Učešće u ovogodišnjem
“Race for the cure”
imali su i najmlađi
članovi porodica
članica Udruženja



Pored učešća u navedenoj manifestaciji Udruženje “Renesansa” je ružičasti oktobar obilježilo prigodnim aktivnostima kojima se skreće pažnja javnosti na rasprostranjenost bolesti koja je vodeća u svijetu, te upozorava na važnost redovnih pregleda i ranog otkrivanja.



Otvorenje Dana Ružičaste vrpce započelo je 07.10.2023. godine svečanim defileom bajkera kroz grad



Nakon toga naše članice su ispred Sarajevo City Centra dana 07. i 08. oktobra podijelile ružičaste vrpce našim sugrađanima i brošure o važnosti preventivnih pregleda sa uputama o samopregledima.



Prigodnim performansom članice udruženja su željele skrenuti pažnju na sve one žene koje su još uvijek na listi čekanja Fonda Solidarnosti i čiji broj se nažalost svakim danom povećava.

OSLOBODIENJE • PETAK, 6. OKTOBAR / LISTOPAD 2021

313 žena i dalje čeka na terapiju

Otvaranje Dana ružičaste vrpce počinje sutra svečanim defileom bajkera kroz grad od 12 sati

Piše ELDINA ZOLJ-BALENOVIĆ

Međunarodni dan borbe protiv raka dojke s ciljem podizanja svijesti i promicanja pravovremene učestalosti kontrole, dijagnoze i liječenja žena širom svijeta obilježava se 19. oktobra. Ovoj globalnoj akciji priključilo se i Udruženje Renesansa, koje okuplja nekoliko stotina oboljelih žena iz Sarajeva, ali i drugih bh. gradova.

Nada za budućnost

Važnost obilježavanja i podizanja svijesti u borbi protiv karcinoma dojke je i u mnoštvu dana i aktivnosti koji imaju za cilj što raniju dijagnostiku i pristup tretmanu. Tako postoje Dan narisa/mati, Mjesec borbe protiv raka dojke/oktobar, Međunarodni/nacionalni dan borbe protiv raka dojke, Dan svijesti o metastatskom raku dojke te Svjetska sedmica svijesti o karcinomu dojke muškaraca. Savremena borba protiv raka dojke uspjela je promovirati vidljivost bolesti, odati počast onima koji su od nje umrli i dati pacijentima resurse za upravljanje bolešću, kao i osjećaj nade za budućnost. Renesansa i ove godine nizom sadržaja obilježava Mjesec borbe protiv raka dojke i nadamo se da će nam se građani pridružiti i podržati nas, rekla je Elnida Glušić, predsjednica Renesanse.

Otvaranje Dana ružičaste vrpce počinje sutra svečanim defileom bajkera kroz grad od 12 sati. Na Marjin-Dvoru, ispred SCC-a žene sa dijagnostificiranim karcinomom dojke će izvesti performans Živa, ružičasta vrpca, performans

Cilj je što ranije dijagnosticirati rak dojke

U petak, 13. oktobra, od 18.30 u prostorijama Udruženja će predavanje održati prof. Jasmin Šutković o genetskom testiranju, a doprinos druženju će dati predstavnici kompanije Pharma Maac. U subotu, 14. oktobra, u 12 sati Renesansa će organizovati Dane otvorenih vrata, te projekciju filma "Život poslije". U nedjelju od 12 sati također će biti Dan otvorenih vrata i istinite isповijesti oboljelih žena. U utorak, 17. oktobra, u prostorijama Udruženja od 17 sati će biti predavanje dr. Berise Hasanbegović, specijaliste onkologa, o temi Povezanost onkoloških oboljenja i autoimunih bolesti, a doprinos druženju će dati predstavnici kompanije "Antia". Do kraja oktobra realizovat će se i predavanje dr. Adnana Zeče i prezentacija kolekcije kompanije Amoena.

Udruženje Renesansa okuplja nekoliko stotina oboljelih žena iz Sarajeva, ali i drugih bh. gradova

Otvaranje dana Ružičaste vrpce bilo je popraćeno u mnogim medijima kako iz Kantona Sarajevo tako i Federacije BiH

U prostorijama Udruženja "Renesansa" Sarajevo u toku mjeseca oktobra održana su predavanja stručnjaka u oblasti oboljenja karcinoma dojke kojem su prisustvovala brojne članice udruženja, kao i svi oni koji su imali želju da nauče kako o ovoj bolesti tako i njenoj prevenciji.



Dana 10.10.2023. predavanje održala dr. Una Delić u oblasti radiologije



Profesor Jasmin Šutković bio je gost Udruženja 13.10.2023. godine tema BRCA testiranje



14. i 15 oktobra održani su Dani otvorenih vrata Udruženja "Renesansa" kada je prikazan dokumentarni film Život poslije, kao i podijeljene ispovijesti žena oboljelih od karcinoma dojke.

Dana 16.10.2023. godine održana je prezentacija proizvoda kompanije Amoena BiH



Predavanje dr Berise Hasanbegović održano je dana 17.10.2023. godine, kada je bilo riječi o povezanosti onkoloških oboljenja i autoimunih bolesti.



Dana 18.10.2023. godine ugostili smo i prof. dr. Timura Cerića

Članice Udruženja "Renesansa" sa predstavnicima firme Anita koja je održala svoju prezentaciju dana 26.10.2023. godine.



PREDSJEDNICA UDRUŽENJA

Enida Glušac

Broj: 04-05-2-1332/99
Sarajevo, 06.01.2022. godine

Federalno ministarstvo pravde, rješavajući po zahtjevu Udruženja „Renesansa“ za upis promjena u Registar udruženja, na osnovu člana 33. stav 2. Zakona o udruženjima i fondacijama („Službene novine Federacije BiH“, broj: 45/02) i člana 200. Zakona o upravnom postupku („Službene novine FBiH“, broj: 2/98 i 48/99), donosi

RJEŠENJE

Upisuje se u Registar udruženja kod Federalnog ministarstva pravde Sarajevo, sa danom **06.01.2022.** godine, promjena upisa za udruženje **Udruženje „Renesansa“**, skraćeni naziv udruženja: „Renesansa“ sa sjedištem u Sarajevu, ulica Dolina broj **1**, upisano u Registar udruženja kod ovog ministarstva pod registarskim brojem **275**, knjiga I Registra, dana **26.05.1999.** godine, i to:

1. Promjena članova Upravnog odbora, u skladu sa Odlukom Skupštine, broj: 1-07/21 od 16.11.2021. godine na mandatni period od četiri godine,
2. Promjena predsjednice Udruženja na način da se umjesto **Tikveša Nađe** upisuje **Enida Glušac** u svojstvu predsjednice Udruženja na mandatni period od četiri godine,
3. **Branka Baban** upisuje se u svojstvu potpredsjednice Udruženja na mandatni period od četiri godine,
4. Promjena osoba ovlaštenih za predstavljanje i zastupanje udruženja na način da se umjesto **Tikveša Nađe** upisuje **Enida Glušac**, predsjednica Udruženja, te **Branka Baban**, potpredsjednica Udruženja kao osobe ovlaštene za predstavljanje i zastupanje udruženja na mandatni period od četiri godine.

Udruženje je dužno ciljeve i djelatnosti predviđene Statutom, obavljati u skladu sa Zakonom o udruženjima i fondacijama i drugim zakonima i pozitivnopravnim propisima.

Ostali upisi u Registru izvršeni po Rješenju broj: 04-05-2-1332/99 od 26.05.1999., 05.03.2002., 06.11.2003., 04.02.2014., 03.12.2016., 06.07.2020. i 14.05.2021. godine ostaju nepromijenjeni.

Naknadu za upis u Registar u iznosu od 200,00 KM, udruženje je dužno uplatiti na Jedinствени račun Trezora Federacije Bosne i Hercegovine.

OBRAZLOŽENJE

Udruženje „Renesansa“ podnijelo je ovom ministarstvu zahtjev za upis promjena, i to: promjena članova Upravnog odbora, promjena predsjednice udruženja, promjena-produženje mandata potpredsjednice udruženja, kao i osoba ovlaštenih za predstavljanje i zastupanje udruženja radi upisa u Registar udruženja.

Uz zahtjev je priložena sljedeća dokumentacija:

- Prijava promjene djelatnosti, statuta i članova upravnog tijela (Obrazac broj 7),
- Odluka o razrješenju ranijih i imenovanju novih članova Upravnog odbora,
- Popis članova upravnog tijela – Obrazac broj 5 – Upravni odbor,
- Odluka o dopuni imenovanja članova Upravnog odbora,
- Odluka o razrješenju ranije predsjednice udruženja i imenovanju nove predsjednice Udruženja,
- Odluka o razrješenju ranijeg lica ovlaštenog za zastupanje i imenovanju novih lica ovlaštenih za zastupanje i predstavljanje udruženja,
- Zapisnik sa vanredne Skupštine udruženja, održane dana, 16.11.2021. godine sa potpisima prisutnih delegata,
- Punomoć za advokata.

Uvidom u priloženu dokumentaciju utvrđeno je da su navedene promjene u svemu izvršene u skladu sa članom 33. stav 2. Zakona o udruženjima i fondacijama i član 7. i 8. Pravilnika o načinu vođenja registra udruženja i fondacija i međunarodnih nevladinih organizacija („Službene novine Federacije BiH“, broj: 61/02, 8/08 i 78/10), pa je slijedom navedenog riješeno kao u dispozitivu rješenja.

Naknada za upis u Registar utvrđena je po rješenju federalnog ministra pravde broj: 01-341-750/14 od 18.02.2014. godine, na osnovu člana 54. stav 1. Zakona o udruženjima i fondacijama.

POUKA O PRAVNOM LIJEKU:


Ovo rješenje je konačno u upravnom postupku, te protiv njega nije dopuštena žalba, ali se može pokrenuti upravni spor. Upravni spor se pokreće tužbom kod nadležnog suda u roku od 30 dana od dana prijema ovog rješenja. Tužba se podnosi u dva istovjetna primjerka, a uz istu se prilaže i ovo rješenje u originalu ili prijepisu.

Dostaviti:

1. Udruženje,
2. Zbirka isprava,
3. Poreska uprava,
4. Arhiva,
5. Federalno ministarstvo

MINISTAR

Mato Jozić



BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo finansija - finansija
Porezna uprava Federacije BiH
Kantonalni porezni ured SARAJEVO

Na osnovu člana 16. Zakona o Poreznoj upravi Federacije Bosne i Hercegovina
("Službene novine Federacije BiH", br: 33/02, 23/04, 57/09, 40/10), Porezna uprava Federacije BiH izdaje

UVJERENJE O POREZNOJ REGISTRACIJI

UDRUŽENJE "RENEŠANSA"

Sa sjedištem: SARAJEVO CENTAR

Adresom: DOLINA 1

Identifikacionim brojem:

4200186580005

Registрован je u Poreznoj upravi Federacije BiH
Kantonalni porezni ured SARAJEVO

Po ovlaštenju rukovodioca Kantonalnog ureda

Datum: 03.06.2014.



Hafa Kovačević